

ufztue. Dä touft ech de mit heiligem Geischt und mit Füür. <sup>17</sup>Er het d Worfshuffe i der Hand, für uf em Tenn Ornig z mache: Der Weize füert er i sy Spycher, aber der Spröier verbrönnt er mit Füür, wo nie verlöscht.» <sup>18</sup>So het er em Volk der Finger ufgha und ihm di gueti Botschaft prediget. <sup>19</sup>Er het du' mit em Vierfürscht Herodes gschumpfe wäge der Herodias, der Frou vo sym Brueder, und o wägen allem andere Böse; wo der Herodes het aagstellt gha, <sup>20</sup>und dä het du uf alls ufe der Johannes la i d Chefi ybschliesse.

## D Toufi vo Jesus

<sup>21</sup>Wo ds ganze Volk sech het la toufe, isch o Jesus touft worde. Drufabe het er bbättet. <sup>22</sup>Da isch der Himel ufggange, und der heilig Geischt isch lybhaftig wi ne Tube uf nen abe cho, und e Stimm us em Himel het gseit: «Du bisch my liebe Suhn, di han i userwählt.»

<sup>23</sup>Jesus isch öppe dryssgi gsi, won er het aafa predige. Er isch, so het men aagno, der Suhn gsi vom Josef und dä der Suhn vom <sup>24</sup>Eli, dä vom Mattat, dä vom Levi, dä vom Melchi, dä vom Jannai, dä der Suhn vom Josef, <sup>25</sup>dä vom Mattitja, dä vom Amos, dä der Suhn vom Nahum, dä der Suhn vom Hesli, dä der Suhn vom Naggai, <sup>26</sup>dä der Suhn vom Mahat, dä der Suhn vom Mattitja, dä der Suhn vom Schimi, dä der Suhn vom Josech, dä der Suhn vom Joda, <sup>27</sup>dä der Suhn vom Johanan, dä der Suhn vom Resa, dä der Suhn vom Serubbabel, dä der Suhn vom Schealtiël, dä der Suhn vom Neri, <sup>28</sup>dä der Suhn vom Melchi, dä der Suhn vom Addi, dä der Suhn vom Kosam, dä der Suhn vom Elmadam, dä der Suhn vom Er, <sup>29</sup>dä der Suhn vom Joschua, dä der Suhn vom Eliëser, dä der Suhn vom Jorim, dä der Suhn vom Mattat, dä der Suhn vom Levi, <sup>30</sup>dä der Suhn vom Simeon, dä der Suhn vom Juda, dä der Suhn vom Josef, dä der Suhn vom Jonam, dä der Suhn vom Eljakim, dä der Suhn vom Melea, dä der Suhn vom Menna, dä der Suhn vom Mattata, dä der Suhn vom Natan, dä der Suhn vom David, <sup>32</sup>dä der Suhn vom Isai, dä der Suhn vom Obed, dä der Suhn vom Boas, dä der Suhn vom Salmon, dä der Suhn vom Nachschon, <sup>33</sup>dä der Suhn vom Amminadab, dä der Suhn vom Admin, dä der Suhn vom Arni, dä der Suhn vom Hezron, dä der Suhn vom Perez, dä der Suhn vom Juda, <sup>34</sup>dä der Suhn vom Jakob, dä der Suhn vom Isaak,